

四知集仁錄

丁亥秋陳珪



皇明四朝成仁錄卷五

屈大均原著

葉恭綽校訂

大同宣府死事二巡撫傳

大同死事巡撫曰衛景瑗宣府死事巡撫曰朱之馮

衛景瑗字仲玉一字帶黃韓城人天啟五年進士初任河

南推官

河南鄆本作淮安

陞山西道監察御史崇禎某年

明史本傳作四

年劾大學士周延儒吏部郎中曾楚卿救工部郎中靖科

元等以憂去補河南道兵部尚書楊嗣昌加勦餉二百八

十萬練餉七百三十萬景瑗疏爭之弗聽給事中王績燦

吳執御吳彥方皆以建言被謫景瑗疏請召還亦弗省傳

朝佐李如燦

明史衛景瑗傳作
傅朝佑李汝燦

數大學士溫體仁十罪上

怒下詔獄

景瑗力為訟寃會召對復極言從國家起見

本

言下有二
臣二字

願赦出以作敢言之氣上怒且不測景瑗侃侃

自如尋調行人司正再遷大理寺卿平反大獄二十餘十
五年以僉都御史巡撫大同裁缺丁鑄火器戢豪宗戒貪
將以才略聞十七年二月賊李自成東犯太原總督王繼
謨望風逃遯景瑗勵眾布置戰守議遣重兵扼鴈門廣武
之險總兵姜瓖觀望不前比太原陷寧武關被圍景瑗益
促瓖以非信地不行景瑗曰寧武大同唇齒今救寧武所
以救大同將軍不救寧武賊至大同則宣府亦當不救將
軍無事時畫地而守事勢至此大同宣府相與為存亡何

論信地壤卒不行景瑗憤曰吾有標兵尚可以戰傾索得

九百餘金以犒將士鼓行而出會寧武陷三月朔賊至大

同景瑗亟請代府十三王分守壤射永慶王死遂奪南門

迎賊賊執代王夾死諸王多有自經及被夾死者素強路

安昌化三王闔戶自焚副使朱家仕

鄒案明史衛景瑗傳作分巡副使雲中節

義錄裔祖筆記均作監司

與妻子入井前總兵朱三樂督糧郎中徐有

聲皆死之生員李若葵

葵明史衛景瑗傳作蔡

聞賊將至母子兄弟

結環以待比賊入大書於門曰一門全節大小二十餘人

同縊

明史衛景瑗傳作一家九人

景瑗坐堂皇按劍待賊賊入擁執以

行自成好謂曰我米脂一民今日富貴至此天命可知公

降官爵仍舊景瑗瞑目曰吾仗朝廷節鉞不能滅賊反從

爾作賊耶顧見環罵曰賊奴賣我爾朝盟而夕背不義不

忠神將殛汝環掩面却退越三日

明史本傳作初六日

自成復好謂

曰吾念公忠不忍殺令驛騎送公西歸景瑗奮起以頭抵

觸階石血流被面賊扶掖以出至海會寺南向拜曰臣失

封疆死不盡罪願為厲鬼殺賊為書訣辭繼母及二子曰

訣辭辭本

若有骸骨還鄉吾頭迎北面倒出南門也沐浴

正衣冠自縊

朱之馮字德止

辭案明史本傳澄懷園語均作字

別號勉

齋徐州人

辭案明史本傳明季北略卷二十作樂山語均作大興人明季實錄作大興籍徐州人

啓五年進士主事戶部以忤魏忠賢左遷浙江布政司理

問歷行人司副刑部郎中浙江僉事青州參議河東副使

晉參政河東宗室朱金宇

金明史朱之馮傳作全

為群盜囊橐人不

敢問設計擒之上以為能命以僉都御史巡撫宣府崇禎

十六年十二月也

明史本傳作十六年正月

時李自成陷據陝西偽行

仁義愚民望風款潰賊未至咸望其來之馮亟馳至鎮部

署城守餉缺軍譁斬首亂七人糾司饗主事三人

三原作之據鄭

本改鎮帥跋扈者一人一軍肅然十七年三月九日賊犯宣

府之馮以忠義激厲口口口出衣一篋取緋袍身繡屬官

吏曰以此殮我餘悉以犒三軍眾皆感泣監視太監杜勲

總兵唐通

明史之馮傳作王承允明季北略卷二十作王通

密表降賊之馮召通

計事將伏健卒殺之而賊薄城下矣之馮知人無固志密

疏請發重兵扼守居庸賊謀聞之流言曰撫院以人心離

散請兵來屠民惶惑皆願降賊會朝廷遣一將軍出關屯駐保定民謂兵來勦己益洶洶賊前哨至聲言監鎮皆降巡撫何獨不降之馮奮罵拒之鼓勵將士相持兩日夜勦通乘間開南門迎戰之馮望見命左右發礮咸叩頭曰願聽軍民納款之馮曰爾曹發一礮可殺賊奴數百賊退有功重賞

賊字原缺據鄭本補

卽不退令殺我無恨皆曰賊已大入擊

之無益徒糜爛百姓耳之馮憤極自引火發礮而城上所設空礮陰去鉛子或堅塞礮口舉火不發之馮擲炬痛哭左右將擁以行之馮曰去此城樓一步非吾死所乃北面拜曰臣不意天下事至此自縊以死三月十一日也年四十有三賊留權將軍黃口以三千人鎮宣府望日遂至居

庸監視太監杜之秩迎降十六日昌平陷總兵李守鐸手
刃數賊自刎未殊賊磔之遂犯京師初之馮代李鑑為巡
撫賊至鑑尚留之馮死後鑑及削職總兵王應揮

鑑字原缺據郎

本參將楊甲密謀舉義五月朔楊參將夜率敢死士即卧

榻擒權將軍又擒果毅將軍等三十餘人皆殲焉求之馮
屍於城下死五十日矣面目如生乃棺殮以祭以姚時中
配享軍民思之無少長日夜奔哭擇地為塋而以時中葬
其旁時中宣府廩生賊至知監鎮有異謀泣曰忠臣惟朱
公耳吾將往從其後城陷衣冠縊孔廟題壁曰殺賊無權
偷生不義妻子無知付之不計初之馮官青州入賀道梗
留家濟南濟南被賊妻馮安人罵賊墜井死母李太安人

不食死之馮徒步扶櫬歸廬墓側蔬布終其身蓋初名之


裔

鄔本身下有之馮二字

至是始名之馮云

屈大均曰宣大金湯之固雄鎮邊陲曩己巳之難人心崩
恐國勢危於累卵矣而郭登羅亨信者嬰城死守也先□
是城擁眾數十萬不能攻衛朱二公皆負經濟才寧武陷
時賊之精銳略盡兇威亦少挫矣使爾時監鎮不降與二
公戮力擁蔽京師與十萬宿飽之師以戰為守與賊相持
久而京師有備勤王之師四集乃以一軍渡黃甫川從榆
林直搗西安傾其巢穴自成師老於外欲歸無所其勢必
致潰散天下事豈不尚可為哉而無如天之欲亡人家國
必使叛閹逆帥得志專權以險掣社稷臣之肘獨力不支

必致身膏刀鋸而後已嗚呼豈亦有數乎哉予數往來大
同宣府弔二公遺烈問姜瓖舉義舊事知瓖之悔禍以衛
公一死衛公一死而秦晉數千里幾於恢復死之功亦大
矣哉弘光初諡衛公忠毅朱公忠壯



新城死事傳

此傳據史
研本補

新城死事王與胤

王與胤字百斯山東新城人曾祖重光貴州參議贈太僕寺少卿祖之垣戶部左侍郎贈戶部尚書父象晉浙江右布政使與胤崇禎元年進士選庶吉士出為湖廣道監察御史巡視河東鹽課再差陝西茶馬又差督應天學政臺例御史必三差最後督學為老差非清望素著者不得與至是亦惟翔翔拱默仰俟內擢而已與胤奉命未行廉得總兵官鄧玘諸罪狀特疏奏之玘蜀人與時相王某姻婭也政府持其議被謫江西按察使知事以歸十七年三月聞京師陷西望痛哭不食再拜訣其父入室沐浴與其妻

于氏子士和拒戶自經死遺命速葬先是與胤聞變卽握腦子服之不死赴水者二皆被救不死會偽縣令賈三俊者至與胤求死益力偕妻于氏共縊於室又繫絕不死家人遂共守之與胤俟守者稍懈乃縊死及葬會哭者數千人時四月二十六日也與胤先自撰壙志述其生平出處及死國狀年五十有四于氏封孺人士和字允協縣學生始與胤求死時家人或以微言諷士和俾乘間譬解士和不為動且曰此世間好事汝曹安用喋喋為遂作絕命詞一章其畧云痛予生之不辰天滅我玄之王嗟世道之溷濁兮何四維之不張彼反面而事仇兮方臣妾之未遑欲容身其無所兮願從吾親於帝鄉死時年二十八與胤死

時亦自題絕句云

屈大均曰陳允衡有云公之死蓋殉三月十九日之難也顧以死於家未及與李忠文倪文正二十三人同邀贈卹在公盡其致身之常節無間知與不知九原無愧矣公生平以御史建言忤執政罷歸而聞難之日不以在野緩須臾之死告於親不違其志率其夫人同日授命無少繫累是其孝慈與刑于之化積之數十年以成此忠義於一日豈不與李文忠止水之意千載同符哉

卷之二十一
一
二
三
四
五
六
七
八
九
十
十一
十二
十三
十四
十五
十六
十七
十八
十九
二十
二十一
二十二
二十三
二十四
二十五
二十六
二十七
二十八
二十九
三十
三十一
三十二
三十三
三十四
三十五
三十六
三十七
三十八
三十九
四十
四十一
四十二
四十三
四十四
四十五
四十六
四十七
四十八
四十九
五十
五十一
五十二
五十三
五十四
五十五
五十六
五十七
五十八
五十九
六十
六十一
六十二
六十三
六十四
六十五
六十六
六十七
六十八
六十九
七十
七十一
七十二
七十三
七十四
七十五
七十六
七十七
七十八
七十九
八十
八十一
八十二
八十三
八十四
八十五
八十六
八十七
八十八
八十九
九十
九十一
九十二
九十三
九十四
九十五
九十六
九十七
九十八
九十九
一百

北都殉難諸臣傳

此傳據鄔本補但吳麟徵以下缺徐本亦然

北都殉難諸臣曰范景文曰倪元璐

璐原作路據明史本傳及明季北略

卷二十一上改

曰李邦華曰施邦曜

曜原作耀據明史本傳及明季北略卷二十一上改

曰王家彥曰孟兆祥曰凌義渠曰吳麟徵曰周鳳翔曰

馬世奇曰劉理順曰汪偉曰申佳胤

鄔案佳胤樓雜記作嘉

曰吳

甘來曰陳良謨曰陳純德曰許直曰成德曰金鉉曰王

章曰馮恒登曰王鍾彥曰范方曰宋天顯曰謝于宣曰

于騰蛟曰李逢申曰劉有淵曰毛維章曰施溥曰李國

楨曰張慶臻曰劉文炳曰鞏永固曰劉岱曰姚成曰李

若璉曰高文采曰魏採曰湯文瓊曰曹文曜曰李小槐

范景文字夢章一字質公又字思仁吳橋人萬曆四十一

年進士天啟間為吏部郎以不附逆璫移疾去烈皇登極

起用崇禎二年陞僉都御史巡撫河南會敵犯京師屯營

廣渠門外散遣白鷄子軍抄掠良鄉房山霸州固安等縣

謀攻涿州

涿原作承據徐本及明史本傳改

上命兵部往援未有赴者景

文方是時與總督河道侍郎李若星巡撫山東都御史王

從義巡按山西都御史耿如杞巡撫保定都御史解經傳

等次第入衛俱至涿時涿人守禦甚堅城上列置西洋礮

敵營距涿二十里懼不敢薄三年正月上命景文佐兵部

尚書鎮通州

明季北略卷二十一上作昌平

十一年遷南京兵部尚書南

京額兵八萬人景文訓練之數遣往援池廬滁三州皆大

挫賊賊至江浦不能渡景文之力也景文嘗謂戰所以為